

Bank Boshqaruvi yig'ilishining
2026-yil __ - ____dagi
__-sonli bayoniga
__-ilova

***Mobil ilova orqali ishonchli (ta'minlanmagan) onlayn mikroqarz ajratilishida
foydalaniladigan Mikroqarz ofertasi namunasi.***

(Mikroqarz ofertasi - O'zbek tilida)

JISMONIY SHAXSLARGA "ONLAYN MIKROQARZ" AJRATISH BO'YICHA OMMAVIY OFERTA

Mazkur Oferta AT "Aloqabank" (bundan buyon matnda "Bank" deb yuritiladi) tomonidan mobil ilova orqali jismoniy shaxslar bilan "Onlayn mikroqarz" shartnomasini (bundan buyon matnda "Shartnoma" deb yuritiladi) tuzish bo'yicha rasmiy taklifi hisoblanadi.

Jismoniy shaxs (bundan buyon matnda "Qarz oluvchi" deb yuritiladi) Oferta shartlari bilan tanishib to'liq va e'tirozsiz aksept qilganidan so'ng Shartnoma tuzilgan deb hisoblanadi.

Qarz oluvchi yuzni skanerlash orqali rasmga tushish yo'li bilan verifikatsiyadan o'tishi hamda uning telefon raqamiga Bank tomonidan jo'natilgan OTP-kodni kiritish orqali tasdiqlashi mazkur Ofertani akseptlash deb baholanadi.

I. ATAMALAR

1.1. Mazkur ofertada quyidagi tushunchalardan foydalaniladi:

Mikroqarz – mobil ilova orqali qaytarishlik, to'lovlik, muddatlik tamoyillari asosida, milliy valyutada, jismoniy shaxslarga (Qarz oluvchilarga), mazkur ofertada nazarda tutilgan hamda Mikroqarzning individual shartlarida belgilangan shartlar asosida Bank tomonidan Qarz oluvchiga taqdim etiladigan ma'lum miqdordagi pul mablag'lari;

Qarz oluvchi – Mikroqarzdin foydalanish istagida bo'lgan, Mikroqarz rasmiylashtirish uchun mobil ilova orqali ariza taqdim etgan va mazkur oferta asosida mikroqarz rasmiylashtiruvchi jismoniy shaxs;

Mikroqarz ofertasi – Bank tomonidan tasdiqlangan, mobil ilova orqali keng ommaga e'lon qilingan, unda ko'rsatilgan shartlar asosida mikroqarz ajratish bo'yicha taklif;

Mikroqarzning individual shartlari – mobil ilova orqali Individual shartlarni va mazkur Mikroqarz ofertani akseptlash orqali Qarz oluvchi tomonidan Mikroqarz olishda aks ettiriladigan va tasdiqlangan Bank tomonidan Qarz oluvchi uchun hisoblab chiqilgan ehtimoliy moliyalash summasi doirasida Mijozga mikroqarz taqdim qilishning muayyan shartlari (summasi, muddati, foiz stavkasi va h.k.). Mikroqarzning individual shartlari har bir Qarz oluvchi uchun mazkur Mikroqarz ofertasining 1-ilovasida keltirilgan shaklda tasdiqlanadi;

Kredit arizasi – Qarz oluvchiga Mikroqarz taqdim qilish ehtimolini baholash maqsadida mobil ilova orqali Qarz oluvchi tomonidan (potensial qarz oluvchi tomonidan) Bankka yuboriladigan va Shartnomada nazarda tutilgan shartlarda so'ralayotgan Mikroqarz to'g'risida umumiy axborotni o'z ichiga olgan hujjat;

Bank kartasi – tovarlar (ishlar, xizmatlar) uchun to'lovlarni amalga oshirishda bank karta hisobvarag'idagi mablag'lar doirasida tegishli operatsiyalarni amalga oshirish va/yoki naqd pul mablag'larini olish huquqini beruvchi bank debet kartasi;

Mobil ilova – masofadan turib (onlayn) mikroqarz olish imkonini beruvchi mobil qurilmalar uchun mo'ljallangan dasturiy-texnik vositalar, shu jumladan Bankning "Zoomrad" mobil ilovasi;

Aksept – Qarz oluvchining roziligini bildirishga, Mikroqarz olish uchun Bank tomonidan taklif qilingan shartlarni qabul qilishga yo'naltirilgan harakatlari;

OTP-kod – Mikroqarz olish jarayonida ayrim amaliyotlarni tasdiqlash uchun foydalaniladigan 1 (bir) martalik kod, Bank tomonidan Qarz oluvchining telefon raqamiga SMS-xabar ko'rinishida jo'natiladigan bir nechta raqamlar jamlanmasi (*OTP – one time password*);

Verifikatsiya – avval identifikatsiyalangan qarz oluvchining real vaqt rejimida olingan fotosuratini dastlabki identifikatsiya ma'lumotlari bilan avtomatlashtirilgan holda solishtirish orqali shaxsini tekshirish va tasdiqlash;

Mikroqarzning to'liq qiymati – Mikroqarz olish bilan bog'liq to'lovlarning haqqoniy, yillik va samarali hisoblashdagi foiz stavkasi.

II. SHARTNOMA PREDMETI

2.1. Bank Qarz oluvchiga ushbu Shartnoma shartlarida ko'zda tutilgan shartlarda mikroqarz ajratish majburiyatini, Qarz oluvchi esa ajratilgan mikroqarz va unga hisoblangan foiz summalarini Shartnomaning 2-ilovasi bo'lgan Qarzni qaytarish jadvalida (bundan buyon matnda "**Jadval**" deb yuritiladi) ko'zda tutilgan muddatlarda qaytarish majburiyatini o'z zimmlariga oladi.

III. UMUMIY QOIDALAR

3.1. Mikroqarz Qarz oluvchining arizasida ko'rsatilgan lekin Qarz oluvchining skoring tahlili natijasidan kelib chiqqan holda Bank tomonidan belgilangan mikroqarzning maksimal miqdoridan oshmagan miqdorda ajratiladi.

3.2. Mikroqarz Qarz oluvchining Kredit arizasida ko'rsatilgan, lekin (),
(*muddat*) (*so'z bilan*)
oydan oshmagan muddatga ajratiladi.

3.3. Mikroqarz ofertasi Qarz oluvchi tomonidan akseptlangandan so'ng hamda Bank tomonidan o'tkazilgan skoring tahlili natijasi "ijobiy" bo'lgan taqdirda, Mikroqarz Qarz oluvchining Mikroqarz olish uchun ariza taqdim qilish jarayonida ko'rsatilgan tegishli bank kartasiga o'tkazib beriladi va shu kundan boshlab Mikroqarz ajratilgan deb tan olinadi.

3.4. Skoring natijasi "salbiy" bo'lganda yoki mikroqarz ajratilgunga qadar Qarz oluvchi Mikroqarz olishni rad qilgan hollarda Mazkur Mikroqarz ofertasi bekor qilinadi va Mikroqarz mablag'i ajratilmaydi.

3.5. Mikroqarzdin foydalanganlik uchun foiz stavkasi – yillik ()
(*miqdori*) (*miqdor so'z bilan*)
foizni tashkil etadi. Bunda, foizlar mikroqarz ajratilgan kundan boshlab mikroqarzning asosiy qarzni to'liq qaytarilgan kunigacha uning qoldiq summasiga kunlik hisoblab

boriladi. Foizlar yiliga 365 kunlik asosda hisoblanadi.

3.6. Mikroqarzning muddati o'tgan asosiy qismi uchun oshirilgan foiz stavka: Mikroqarzdin foydalanganlik uchun belgilangan foiz stavkaning _____ barobarini, ya'ni (miqdori)

yillik _____ (_____) foizni tashkil etadi.

(miqdori) (miqdori so'z bilan)

3.7. Mikroqarzning to'liq qiymati O'zbekiston Respublikasi Adliya vazirligida 2018-yil 2-iyulda 3030-son bilan ro'yxatga olingan "Bank xizmatlari iste'molchilari bilan o'zaro munosabatlarni amalga oshirishda tijorat banklarining faoliyatiga qo'yiladigan minimal talablar to'g'risida"gi Nizomning 1-ilovasiga asosan hisoblanadi va Mikroqarzning individual shartlarida batafsil aks ettiriladi.

3.8. Shartnoma bo'yicha Qarz oluvchi quyidagilarga roziligini bildiradi:

- Mikroqarz olish uchun ariza Qarz oluvchi tomonidan yuborilganligi faktini tasdiqlash uchun, Qarz oluvchi uning shaxsiga doir ma'lumotlarga ishlov berishga hamda Qarz oluvchi nomiga uchinchi shaxslar tomonidan mikroqarz rasmiylashtirishni oldini olish maqsadida shaxsga doir ma'lumotlari olinishiga;

- aloqa vositalaridan foydalangan holda sms/elektron pochta/audio eshittirish/pochta jo'natish, axborot-kommunikatsiya xizmatlari orqali pochta jo'natmalarini va bildirishnomalarni jo'natishga;

- Davlat personallashtirish markazidan olingan shaxsga doir ma'lumotlarini qayta ishlashga hamda kredit byurolari, soliq organlari uy-joy kommunal xizmatlari, uyali aloqa operatorlari, protsessing markazlari (Uzcard, Humo va boshqalar) tijorat banklari va boshqa tashqi manbaalardan shaxsga doir ma'lumotlardan foydalangan holda ma'lumotlarni olishga;

- to'lovlar o'z vaqtida amalga oshirilmaganda Bank tomonidan muddati o'tgan qarzдорlikni qoplash uchun zaruriy summalar avtomatik hisobdan chiqarish xizmati orqali yechib olinganda Bankning amaldagi Tarifida nazarda tutilgan miqdorda xizmat haqi undirilishiga.

3.9. Oferta bo'yicha Qarz oluvchiga ko'rsatilgan va/yoki ko'rsatilayotgan barcha bank xizmatlari uchun Qarz oluvchi amaldagi Bank Tarifida nazarda tutilgan bank xizmat haqini Bankka to'laydi.

3.10. Yangi tahrirdagi tariflarni bankning rasmiy veb sayti (www.aloqabank.uz)da e'lon qilinishi, Qarz oluvchini bu haqida xabardor qilingan deb hisoblash uchun yetarli bo'ladi va uning shartlari Oferta Taraflari uchun majburiy hisoblanadi.

3.11. Bank O'zbekiston Respublikasining "Jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurolini tarqatishni moliyalashtirishga qarshi kurashish to'g'risida"gi Qonuni va boshqa qonun hujjatlariga muvofiq, oldindan ogohlantirmasdan Qarz oluvchining barcha operatsiyalarini to'xtatib turishi, pul mablag'larini yoki boshqa mol-mulklarini ishga solmay to'xtatib qo'yishi mumkin.

3.12. O'zbekiston Respublikasi Adliya vazirligida 2025-yil 22-aprelda 3618-son bilan ro'yxatdan olingan "Banklarga o'rnatiladigan makroprudensial normativlar hamda ular tomonidan beriladigan kreditlar (mikroqarzlari) bo'yicha to'lovlarning eng yuqori qiymatlariga doir talablar to'g'risida" Nizom talablariga asosan Qarzdorning qarz yuki

ko'rsatkichini hisoblash va mikroqarz ajratish o'rtasidagi vaqt oralig'i 3 ish kunidan oshgan taqdirda Bank tomonidan Qarzdorning qarz yuki ko'rsatkichi qayta hisoblanadi.

3.13. Qarzdorning qarz yuki ko'rsatkichi qayta hisoblanganda qarz yuki ko'rsatkichi belgilangan me'yor talablaridan oshganligi aniqlangan taqdirda qarz yuki ko'rsatkichi belgilangan me'yor talablari doirasiga tushgunga qadar Bank tomonidan Qarzdorga mikroqarz ajratish vaqtinchalik to'xtatib turilishi yoki mikroqarz summasi kamaytirilishi yoki Shartnoma bir tomonlama bekor qilinishi mumkin.

IV. MIKROQARZNI QAYTARISH TARTIBI

4.1. Mikroqarz va unga hisoblangan foizlarni qaytarish Shartnomaning ajralmas qismi hisoblangan to'lov jadvali (2-ilova)ga asosan har oy Mikroqarzning individul shartlarida ko'rsatilgan qaytarish usulida (differensial/annuitet), mikroqarzdand foydalangan oyning keyingi oyidan boshlab amalga oshiriladi.

4.2. Mikroqarzning har oydagi to'lov sanasi haftaning shanba va yakshanba kunlariga, shuningdek dam olish kuni deb e'lon qilingan bayram kunlariga to'g'ri kelganda to'lov sanasi keyingi ish kuniga ko'chiriladi.

4.3. Mikroqarz bo'yicha qarzdorlikni muddatidan avval qaytarilishiga ruxsat etiladi. Mikroqarzni muddatidan avval qaytarilganligi uchun qo'shimcha to'lovlar undirilmaydi.

4.4. Mikroqarz va unga hisoblangan foizlar bo'yicha qarzdorlikni qaytarish Qarz oluvchining ish haqi, boshqa daromadlari va tushumlaridan mablag'larni o'tkazish orqali, naqd pul kirim qilish orqali, bank kartalaridan mablag'larni o'tkazish orqali, Qarz oluvchining Mikroqarz bo'yicha Bankdagi tranzit hisobvarag'iga o'tkazib berish orqali, avtomatik tarzda bank kartalaridan yechish yo'li orqali hamda infokiosklar, mobil ilovalar yoki boshqa elektron to'lov tizimlari yordamida to'lov qilish orqali amalga oshiriladi.

4.5. Mikroqarz bo'yicha qarzdorlikni qaytarish uchun amalga oshirilgan to'lov summasi Mikroqarz bo'yicha majburiyatlarni bajarish uchun yetarli bo'lmasa, kelib tushgan mablag' quyidagi keltirilgan ketma-ketlikda qarzdorlik summasini qoplash uchun yo'naltiriladi:

- birinchi navbatda – asosiy qarz bo'yicha muddati o'tgan qarzdorlik va muddati o'tgan foiz to'lovlari mutanosib ravishda;
- ikkinchi navbatda – joriy davr uchun hisoblangan foizlar va joriy davr uchun asosiy qarz bo'yicha qarzdorlik;
- uchinchi navbatda – Bankning qarzdorlikni uzish bilan bog'liq bo'lgan boshqa xarajatlari.

4.6. Mikroqarz to'lovi uchun Jadvalda belgilangan sanadan oldin yoki Mikroqarz bo'yicha muddati o'tgan qarzdorlik summasidan ortiqcha mablag' kelib tushsa, birinchi navbatda muddatli asosiy qarzdand tashqari barcha qarzdorliklar (muddati o'tgan asosiy qarz, muddati o'tgan foiz, Bankning qarzdorlikni uzish bilan bog'liq bo'lgan boshqa xarajatlari, joriy davr uchun hisoblangan foizlar, joriy davr uchun asosiy qarz) so'ndiriladi, undan so'ng ortib qolgan mablag'dan navbatdagi to'lov sanasiga qadar hisoblanishi kutilayotgan foiz summasiga teng mablag'ni ushlab qolgan holda ortiqcha qismi Mikroqarzning asosiy qarzini so'ndirishga yo'naltiriladi.

4.7. Qarz oluvchidan Mikroqarzning to'lovi uchun Mikroqarzni qaytarish jadvalida belgilangan summaga nisbatan ko'p mablag' kelib tushsa va kelib tushgan mablag'ning

ortiqcha qismini Mikroqarzning asosiy qarzini so'ndirishga yo'naltirilganda Mikroqarzni qaytarish jadvali qayta rasmiylashtirilmaydi.

4.8. Qarz oluvchi tomonidan Mikroqarz va unga hisoblangan foizlar o'z vaqtida qaytarilmaganda Bank Mikroqarz va u bo'yicha hisoblangan foizlarni qonun hujjatlarida belgilangan tartibda qaytarish choralari ko'radi.

V. TARAFLARNING HUQUQ VA MAJBURIYATLARI

5.1. Bankning majburiyatlari:

5.1.1. Shartnomada belgilangan shartlar va miqdor doirasida Qarz oluvchiga pul mablag'larini uning bank kartasiga o'tkazish orqali berish;

5.1.2. Qarz oluvchiga kredit hisobvarag'ini ochish;

5.1.3. Mikroqarzni berishdan butunlay yoki qisman bosh tortgan taqdirda, ushbu Mikroqarz bo'yicha mablag'lar berishni to'xtatib qo'yish to'g'risida qaror qabul qilingan sanadan boshlab keyingi ish kunidan kechiktirmasdan Qarz oluvchiga Mikroqarz berish to'xtatilganligi va uning sabablari yuzasidan Shartnomada ko'rsatilgan aloqa kanallaridan foydalangan holda xabarnoma yuborish;

5.1.4. Mikroqarz muddatidan oldin undiriladigan hollarda bu to'g'risida Qarz oluvchini Shartnomada ko'rsatilgan aloqa kanallaridan foydalangan holda xabardor qilish;

5.1.5. Bank tomonidan Mikroqarz bo'yicha muddati o'tgan qarzдорliklarni so'ndirish uchun Qarz oluvchining bank hisobvarag'i va (yoki) omonatidan (shu jumladan, bank kartalaridan) mablag'lar Qarz oluvchining topshirig'isiz hisobdan chiqarilganda, ushbu mablag' hisobdan chiqarilgan sanadan boshlab keyingi ish kunidan kechiktirmagan holda Qarz oluvchiga uning hisobvarag'idan qancha miqdordagi mablag' qanday sabablarga asosan va kimning foydasiga chiqarilganligini ko'rsatgan holda Shartnomada ko'rsatilgan aloqa kanallari orqali xabarnoma (ma'lumotnoma) yuborish.

5.2. Bankning huquqlari:

5.2.1. Qarz oluvchi tomonidan Mikroqarz bo'yicha o'z majburiyatlarini bajarilishi to'g'risida ma'lumotlarni Kredit byurolari va Kredit ma'lumotlarining davlat reestriga taqdim etish;

5.2.2. Mikroqarz bo'yicha to'lovlar haqida Qarz oluvchiga xabar berish uchun Shartnomada ko'rsatilgan aloqa kanallaridan foydalanish;

5.2.3. Quyidagi holatlarda Qarz oluvchidan Mikroqarzni (shu jumladan, hisoblangan foizlarni) muddatidan oldin qaytarishni talab qilish, undirib olish:

5.2.3.1. Qarz oluvchi tomonidan Shartnoma bo'yicha o'z zimmasiga olgan majburiyatlar bajarilmaganda va/yoki lozim darajada bajarilmaganda;

5.2.3.2. Qarz oluvchiga har qanday shaklda jinoyat ishlari yoki fuqarolik ishlari bo'yicha Qarz oluvchining to'lov qobiliyatiga ta'sir qilishi mumkin bo'lgan da'volar qo'zg'atilgan bo'lsa;

5.2.3.3. Bankda ushbu Shartnoma bo'yicha olingan mablag'lardan foydalanish, tasarruf etishda firibgarlik holatlari bilan bog'liq shubhalar mavjud bo'lganda;

5.2.3.4. O'zbekiston Respublikasining amaldagi qonunchiligida nazarda tutilgan boshqa hollarda.

5.2.4. Qarz oluvchining qarz yuki ko'rsatkichi qayta hisoblanganda qarz yuki ko'rsatkichi belgilangan me'yor talablaridan oshgan taqdirda mikroqarz ajratishni vaqtinchalik to'xtatib turish;

5.2.5. Qarz oluvchining qarz yuki ko'rsatkichi qayta hisoblanganda qarz yuki ko'rsatkichi belgilangan me'yor talablaridan oshgan taqdirda mikroqarz summasini kamaytirilish;

5.2.6. Qarz oluvchining qarz yuki ko'rsatkichi mikroqarz ajratilishidan oldin qayta hisoblanganda qarz yuki ko'rsatkichi belgilangan me'yor talablaridan oshgan taqdirda Shartnomani bir tomonlama bekor qilish;

5.2.7. Mikroqarzning asosiy qarz qismi bo'yicha muddati o'tgan majburiyatlar yuzaga kelganda Qarz oluvchidan oshirilgan foiz undirish;

5.2.8. Qarz oluvchining Bankda hamda boshqa banklarda ochilgan har qanday hisobvaraqlaridan, shu jumladan, bank kartalaridan Mikroqarz bo'yicha talablarni qondirish uchun zarur bo'lgan mablag'larni va barcha hisoblangan neustoykalarni akseptsiz tartibda hisobdan chiqarish (yechib olish);

5.2.9. Qarz oluvchi tomonidan to'lovlar o'z vaqtida amalga oshirilmaganda muddati o'tgan qarzdorlikni qoplash uchun zaruriy summalar avtomatik hisobdan chiqarish xizmati orqali yechib olinganda Bankning amaldagi Tarifida nazarda tutilgan miqdorda xizmat haqi undirish;

5.2.10. Qarz oluvchi tomonidan taqdim etilgan ma'lumotlarni tekshirish yoki qo'shimcha identifikatsiya (shaxsni tekshirish) jarayonini amalga oshirish uchun Shartnomada ko'rsatilgan aloqa kanallari orqali Qarz oluvchi bilan bog'lanish;

5.2.11. Qarz oluvchining to'lov qobiliyatini scoring modellaridan foydalangan holda baholash jarayonida olish va foydalanish, O'zbekiston Respublikasi qonunchiligiga zid bo'lmagan Qarz oluvchi to'g'risidagi har qanday ma'lumotlardan foydalanish;

5.2.12. Qarz oluvchining telefon raqamlariga, ijtimoiy tarmoqlardagi akkauntlari orqali bog'lanish va ularni yozib olish, Qarz oluvchining Bankka ma'lum bo'lgan manzillariga (rekvizitlariga) ushbu Shartnoma bo'yicha Qarz oluvchining majburiyatlarini bajarish to'g'risida xatlar, elektron pochta xabarlar va SMS-xabarlarini yuborish;

5.2.13. O'z hisobidan, Qarz oluvchini xabardor qilmasdan, Mikroqarzning qaytarilmasligi xavfini sug'urta qilish;

5.2.14. Bank Qarz oluvchi yoki uning operatsiyasi sanksiya ta'sir doirasiga tushganda yoki tushish xavfi mavjud bo'lganda, operatsiya miqdorini chegaralash, operatsiyani cheklash (rad etish);

5.2.15. Qarz oluvchi Shartnoma bo'yicha majburiyatlarini bajarmaganda taqdim qilingan sug'urta polisi bo'yicha Mikroqarz qisman yoki to'liq qoplab berilganda, sug'urta to'voni to'langan to'lov miqdori doirasida Shartnoma bo'yicha regress talab huquqini bir tomonlama Sug'urta qiluvchiga o'tkazish (subrogatsiya).

5.3. Qarz oluvchining majburiyatlari:

5.3.1. Mikroqarz va u bo'yicha hisoblangan foizlarni to'lov jadvaliga asosan o'z vaqtida to'lash;

5.3.2. Olingan Mikroqarzni, Mikroqarzdin foydalanganlik uchun hisoblangan foizlarni va boshqa to'lovlarni mazkur Shartnoma shartlariga muvofiq muddatidan oldin to'lash to'g'risidagi Bankning so'rovini olgandan keyin 3 (uch) ish kuni ichida to'lab berish;

5.3.3. Familiyasi yoki ismi, telefon raqami, ro'yxatdan o'tgan manzili, yashash joyi, passport ma'lumotlari o'zgarganda va Shartnoma bo'yicha majburiyatlarning bajarilishiga ta'sir qiladigan boshqa holatlar haqida 3 (uch) ish kuni ichida Shartnomada belgilangan aloqa kanallari orqali yoki Bankning xizmatlar ko'rsatish markazlariga borgan holda Bankka xabar berish;

5.3.4. O'ziga nisbatan huquqni muhofaza qilish organlari, nazorat qiluvchi organlar yoxud sudlar tomonidan qo'llanilgan yoki qo'llanilayotgan huquqiy ta'sir choralari, iqtisodiy, moliyaviy jarimalar va iqtisodiy, moliyaviy sanksiyalar to'g'risida unga ma'lum bo'lgan kundan boshlab Bankka 2 (ikki) ish kuni ichida xabar berish;

5.3.5. O'zbekiston Respublikasi hududidan tashqariga doimiy yashash uchun chiqib ketayotgan holda Mikroqarzni asosiy qarzi va unga hisoblangan foizlarni muddatidan avval qaytarish;

5.3.6. Tijorat banklarida ochilgan barcha bank hisobvaraqlaridan Shartnoma bo'yicha to'lov majburiyatlarini amalga oshirish uchun zarur summani akseptsiz hisobdan chiqarish to'g'risida haqiqiy, chaqirib olinmaydigan va so'zsiz talab qo'yish huquqini Bankka taqdim etish;

5.3.7. To'lovlar o'z vaqtida amalga oshirilmaganda Bank tomonidan muddati o'tgan qarzдорlikni qoplash uchun zaruriy summalar avtomatik hisobdan chiqarish xizmati orqali Bank tomonidan yechib olinganda Bankning amaldagi Tarifida nazarda tutilgan miqdorda xizmat haqi to'lash;

5.3.8. Mikroqarz ajratish jarayonida texnik yoki boshqa sabablarga ko'ra taqdim etilishi belgilangan mablag'lardan ortiqcha bo'lgan mablag'lar bank kartasida aks ettirilsa Bank mazkur (ortiqcha) mablag'larni Qarz oluvchining har qanday bankda ochilgan bank kartasidan akseptsiz hisobdan chiqarish to'g'risida haqiqiy, chaqirib olinmaydigan va so'zsiz talab qo'yish hamda Mikroqarz mablag'lari o'tkazib berilgan bank kartasiga taqiq yoki talab qo'yish huquqini Bankka taqdim etish.

5.4. Qarz oluvchining huquqlari:

5.4.1. Shartnomada ko'rsatilgan shartlarda Mikroqarz berilishini talab qilish;

5.4.2. Shartnoma tuzilgan vaqtdan boshlab pul mablag'lari bank kartasiga tushgunga qadar Mikroqarzni olishdan bepul voz kechish;

5.4.3. Mikroqarzni istalgan vaqtda muddatidan oldin jarima sanksiyalarisiz so'ndirish;

5.4.4. Mikroqarz bo'yicha asosiy qarzi va unga hisoblangan foizlarni Bankka to'liq qaytarilgan holda ushbu Shartnomani muddatidan avval bekor qilish.

VI. QARZNI TAN OLISH VA BAHSSIZLIK

6.1. Qarz oluvchi mazkur Shartnoma bo'yicha olingan Mikroqarz summasi, foizlar va boshqa to'lovlar miqdorini to'liq va so'zsiz tan oladi.

6.2. Qarz oluvchi mazkur majburiyatlar mavjudligi hamda ularning miqdori, to'lash muddatlari va hisob-kitob tartibi nizosizligini oldindan tasdiqlaydi.

VII. SUDSIZ UNDIRISH VA IJRO XATI

7.1. Qarz oluvchi mazkur Shartnoma bo'yicha majburiyatlarini belgilangan muddatlarda to'liq yoki qisman bajarmagan taqdirda, Bank Mikroqarz summasini, foizlar va undirish bilan bog'liq boshqa to'lovlarni sudga murojaat qilmasdan, notariusning ijro xati asosida undirishga haqli.

7.2. Qarz oluvchi mazkur Shartnoma bo'yicha qarz undirilishi uchun notarius tomonidan ijro xati chiqarilishiga oldindan, so'zsiz rozilik beradi hamda bu holda sud tartibida undirish talab qilmasligini tasdiqlaydi.

7.3. Notariusning ijro xatini yozishi uchun qilingan to'lovlar qarzдор tomonidan qoplanadi.

7.4. Qarzdorlik bazaviy hisoblash miqdorining 1 000 (bir ming) baravaridan oshganda Mikroqarz mablag'lari qonunchilikda belgilangan tartibda sud orqali undirilishi mumkin.

VIII. MAJBURIYATLARNI BAJARMASLIK HOLATLARI

8.1. Quyidagi hodisalarning har biri majburiyatlarning bajarilmasligi holati hisoblanadi:

8.1.1. Mazkur Mikroqarz ofertasida va ofertaning ajralmas qismi hisoblangan jadvalda belgilangan muddatlarda mikroqarz, foizlar va/yoki boshqa to'lovlar amalga oshirilmaganligi;

8.1.2. Qarz oluvchi tomonidan Mobil ilova orqali qasddan bila turib haqiqatga to'g'ri kelmaydigan va haqqoniy bo'lmagan ma'lumotlarni kiritgan holda Bankni chalg'itish;

8.1.3. Qarz oluvchining to'lovga qodirligi yomonlashganligi yoki Shartnoma bo'yicha majburiyatlarning muntazam ravishda bajarilmasligiga olib keladigan aniq axborotning yashirilishi;

8.1.4. Qarz oluvchining Bank oldidagi majburiyatlarining bajarilishiga ta'sir ko'rsatishi mumkin bo'lgan boshqa hodisalar;

8.1.5. Shartnoma shartlarining buzilishi.

IX. TARAFLARNING JAVOBGARLIGI

9.1. Taraflardan biri Shartnoma bo'yicha o'z majburiyatlarini bajarmagan yoki lozim darajada bajarmagan taqdirda, aybdor Taraf ikkinchi Tarafga yetkazilgan zarar qismini qoplaydi va O'zbekiston Respublikasining Fuqarolik Kodeksiga, boshqa amaldagi qonun hujjatlariga va Shartnomaga muvofiq javobgar bo'ladi.

9.2. Qarz oluvchi Shartnomaga asosan mikroqarzning asosiy qismini qaytarish bo'yicha o'z majburiyatlarini bajarishni kechiktirgan taqdirda O'zbekiston Respublikasi qonunchiligida nazarda tutilgan tartibda javobgarlikka tortiladi va Bankga Shartnoma majburiyatlarni bajarmaganlik yoki lozim darajada yetkazilgan zararni to'liq qoplaydi.

9.3. Qarz oluvchi Shartnomaga asosan mikroqarz uchun hisoblangan foizlarni qaytarish bo'yicha o'z majburiyatlarini bajarishni kechiktirgan taqdirda O'zbekiston Respublikasi qonunchiligida nazarda tutilgan tartibda javobgarlikka tortiladi va Shartnomaga asosan hisoblangan foizlarni o'z vaqtida qaytarmaganlik tufayli yetkazilgan zararni qoplash uchun javobgar bo'ladi.

9.4. Qarz oluvchi Shartnoma bo'yicha o'z majburiyatlarini bajarmagan yoki lozim darajada bajarmagan taqdirda neustoykadan tashqari yetkazilgan zararni to'liq miqdorda to'laydi.

9.5. Bank Mikroqarz berish majburiyatini bajarmaganda yoki o'z vaqtida bajarmaganda Qarz oluvchi oldida qonunchilikda belgilangan tartibda javob beradi.

9.6. Taraflar Shartnoma bo'yicha o'z majburiyatlarini bajarmaganligi yoki lozim darajada bajarmaganligi natijasida yetkazilgan zararni qoplash yoki majburiyatni bajarmagan yoki lozim darajada bajarmaganligi uchun hisoblangan neustoykani to'lash majburiyatni asl holida bajarishdan ozod qilmaydi.

9.7. Qarz oluvchi yoki u bilan munosabatga kirishgan shaxs hatti-harakatlari yuzasidan tegishli tashkilotlar tomonidan Qarz oluvchiga yoki u bilan munosabatga kirishgan shaxsga qo'llanilgan har qanday choralar, jumladan sanksiyalar (tegishli ro'yxatlar, OFAC, Yevropa Ittifoqining Mar va OFSI, SDN va CARTA sanksiyalari) shuningdek, sanksiyalar oqibatida vujudga keladigan har qanday turdagi zararlar uchun Bank o'z majburiyatlarini bajarganligi yoki lozim darajada bajarmaganligidan qat'iy nazar javobgar hisoblanmaydi.

9.8. Qarz oluvchining telefon raqami o'zgarganligi, ishlamaganligi yoki yangi raqamini Bankka taqdim qilmaganligi sababli Qarz oluvchiga SMS-xabarlar bormaganligi uchun Bank javobgar hisoblanmaydi.

X. NIZOLARNI HAL ETISH

10.1. Shartnoma shartlarini bajarish jarayonida vujudga keladigan kelishmovchiliklar Taraflar o'rtasida muzokaralar yo'li bilan hal etiladi.

10.2. Taraflar kelishuvga erishmagan taqdirda va/yoki Qarz oluvchi nizoni sudgacha hal qilish yuzasidan talabnomada belgilangan muddatda ko'rsatilgan talablarni lozim darajada bajarmaganda, nizo O'zbekiston Respublikasining amaldagi qonun hujjatlariga muvofiq sudda ko'rib chiqiladi.

XI. SHARTNOMANING AMAL QILISH MUDDATI

11.1. Shartnoma Qarz oluvchi tomonidan akseptlangan kundan boshlab kuchga kiradi.

11.2. Shartnoma Taraflar o'z majburiyatlarini to'liq bajargunga qadar amal qiladi.

11.3. Qarz oluvchi "Jinoiy faoliyatdan olingan daromadlarni legallashtirishga, terrorizmni moliyalashtirishga va ommaviy qirg'in qurolini tarqatishni moliyalashtirishga qarshi kurashish to'g'risida"gi Qonun talablariga hamda boshqa amaldagi qonun, qonun osti hujjatlariga rioya qilmaganda shartnoma bir taraflama Bank tomonidan bekor qilinadi.

XII. ANTIKORRUPSIYAGA OID SHARTLAR

12.1. Taraflar, ularning affillangan shaxslari, xodimlari yoki boshqa ishtirokchilari ushbu Shartnoma shartlarini bajarishda ikkinchi tomonning qaror qabul qilishiga ta'sir o'tkazish maqsadida bevosita yoki bilvosita pul mablag'lari qimmatliklar yoki xizmatlar taklif qilishi, berishi, taqdim etishi ta'qiqlanadi.

12.2. Taraflar, ularning affillangan shaxslari, xodimlari yoki boshqa ishtirokchilari ushbu Shartnoma shartlarini bajarishda qaror qabul qilishiga ta'sir o'tkazish maqsadida

shartnomaning boshqa ishtirokchilari tomonidan bevosita yoki bilvosita pul mablag'lari, qimmatliklar yoki xizmatlar taqdim etish bo'yicha taklifini rad qilishi lozim.

12.3. Agar shartnoma Taraflarida ushbu shartnoma shartlarini bajarish bilan bog'liq korrupsion harakat sodir etilganligi to'g'risida ma'lumot, shubha, shubhaga asos bo'luvchi dalilga ega bo'lsa, bu to'g'risida ikkinchi Tarafga bunday harakat sodir bo'lgan kundan boshlab 5 (besh) ish kuni ichida yozma shaklda (yoki Bankning Komplayens nazorat boshqarmasi rahbariga yoki Hududiy kompleks xizmatlar ko'rsatish markazi direktoriga aloqa kanallari yordamida) xabar berish majburiyatini oladi.

12.4. Xabarni olgan Taraf haqiqatan korrupsion harakat sodir etilmaganligini yoki sodir etilmasligi to'g'risida tasdiqqa ega bo'lguncha ushbu shartnoma bo'yicha o'z majburiyatlarini bajarishni to'xtatib turish huquqiga ega.

12.5. Ushbu bo'lim qoidalari Taraflardan biri tomonidan buzilganligi fakti tasdiqlanganda va/yoki boshqa Taraf qoidabuzarliklarni ko'rib chiqish haqida xabarnoma natijalari yuzasidan ma'lumot taqdim qilmagan taqdirda, boshqa Taraf Shartnomani bir taraflama qisman yoki to'liq bekor qilishga haqli.

12.6. Pora berish evaziga ikkinchi Taraf vakilini, affillangan shaxsini, xodimini Shartnoma shartlarini bajarishda o'ziga og'dirib olgan Taraf ikkinchi Tarafga yetkazilgan zararni qoplab berish majburiyatini oladi.

XIII. YAKUNIY SHARTLAR

13.1. Shartnoma elektron tarzda Mobil ilova orqali tuzilib, Qarz oluvchi tomonidan Mikroqarz ofertasini akseptlash orqali tasdiqlanadi va yozma kurinishidagi hujjatning yuridik kuchiga ega bo'ladi.

13.2. Shartnoma bo'yicha Taraflarning tartibga solinmagan munosabatlari O'zbekiston Respublikasining amaldagi qonun hujjatlariga muvofiq tartibga solinadi.

13.3. Taraflar o'rtasidagi xat-xabarlar quyidagi aloqa kanallari orqali amalga oshirilishi mumkin: Qarz oluvchining Bankka ma'lum bo'lgan manzillariga (rekvizitlariga) yozma shaklda jo'natish yoki Qarz oluvchining elektron pochta-siga, telefon raqamlariga, ijtimoiy tarmoqlardagi akkauntlariga xabar jo'natish yoki masofaviy xizmat ko'rsatish tizimlari orqali elektron xabar jo'natish.

13.4. Qarz oluvchi amalga oshirilgan to'lovlar va kredit qarzdorligi miqdori (asosiy qarz, foiz, oshirilgan foiz qarzdorligi va muddati o'tgan qarzdorliklar) haqida, shuningdek Shartnoma bilan bog'liq boshqa holatlar bo'yicha uyali aloqa vositalari orqali SMS-xabarlar yuborilishiga Bankka o'z roziligini bildiradi.

XIV. BANK MANZILI VA REKVIZITLARI

AT "Aloqabank"

Manzil: _____

MFO: _____

STIR: _____

Tel: _____

XV. QARZ OLUVCHI MANZILI VA REKVIZITLARI

F.I.Sh.: _____

Manzil: _____

Pasport yoki ID karta seriya va raqami: _____

JShShIR: _____

Aksept kodi: _____

Aksept vaqti: _____

Telefon raqami: _____



Face ID

Jismoniy shaxslarga
“onlayn mikroqarz” ajratish
bo'yicha ommaviy
ofertaga 1-ilova

MIKROQARZNING INDIVIDUAL SHARTLARI

Mikroqarzning to'liq qiymati

_____ (_____) foiz
(miqdori) (so'z bilan)

Mikroqarz miqdori: _____ (_____) so'm.
(summa) (summa so'z bilan)

Mikroqarz muddati: _____ (_____) oy.
(muddat) (so'z bilan)

Mikroqarzni so'ndirishning oxirgi muddati: _____._____._____. yil.
(sana)

Mikroqarz valyutasi: O'zbekiston Respublikasining milliy valyutasi.

Mikroqarzdanda foydalanganlik uchun foiz stavkasi: Yillik _____ (_____) foiz.
(miqdori) (miqdor so'z bilan)

Mikroqarzning muddati o'tgan asosiy qismi uchun oshirilgan foiz stavka:
Mikroqarzdanda foydalanganlik uchun amaldagi foiz stavkasining _____ (_____) baravari,
(miqdori) (miqdor so'z bilan)
ya'ni yillik _____ (_____) foiz.
(miqdori) (miqdor so'z bilan)

Mikroqarzdanda foydalanganlik uchun foiz stavkasi turi taraflarning kelishuviga ko'ra:
o'zgaruvchi/o'zgarmas.

Mikroqarz bo'yicha to'lovlarni to'lash sanasi: har oyning _____ sanasigacha.
(sana)

Mikroqarzni ajratish shakli: Qarz oluvchining nomiga emissiya qilingan
xxxx xxxx xxxx xxxx raqamli bank kartasiga o'tkazib berish yo'li orqali.
(karta raqami)

Mikroqarzni qaytarish usuli: Shartnomaga ilova qilingan differentzial/annuitet
usulda hisoblangan to'lov grafigiga muvofiq.

Mikroqarz ta'minoti: ishonchli asosda ajratiladi, ya'ni ta'minot talab qilinmaydi.

Mikroqarzning to'liq qiymati _____ (_____) foizni tashkil qiladi
(miqdori) (miqdor so'z bilan)

va u quyidagi to'lovlarni hisobga olib hisoblanadi:

a) Mikroqarzning asosiy qarz – _____ (_____) so'm, ____ tiyin;
(summa) (summa so'z bilan)

b) Foizlar bo'yicha to'lovlar – _____ (_____) so'm, ____ tiyin;
(summa) (summa so'z bilan)

d) Sug'urta to'lovlari – _____ (_____) so'm, ____ tiyin;
(summa) (summa so'z bilan)

e) Garov mulkini baholash bo'yicha to'lovlar – _____ (_____) so'm, ____ tiyin;
(summa) (summa so'z bilan)

f) O'zbekiston Respublikasi Adliya vazirligida 2018-yil 2-iyulda 3030-son bilan ro'yxatga olingan "Bank xizmatlari iste'molchilari bilan o'zaro munosabatlarni amalga oshirishda tijorat banklarining faoliyatiga qo'yiladigan minimal talablar to'g'risida"gi Nizomning 1-ilovasiga asosan boshqa to'lovlar – _____ (_____) so'm, _____ tiyin.
(summa) (summa so'z bilan)

F.I.Sh.: _____

Manzil: _____

Pasport yoki ID karta seriya va raqami: _____

JShShIR: _____

Aksept kodi: _____

Aksept vaqti: _____

Telefon raqami: _____



*Jismoniy shaxslarga
“onlayn mikroqarz” ajratish
bo‘yicha ommaviy
ofertaga 2-ilova*

MIKROQARZNI QAYTARISH GRAFIGI **(Namuna)**

Ushbu mikroqarzni qaytarish javdali ofertaning ajralmas qismi hisoblanadi.

Mikroqarz summasi	30 000 000	MFO: 00401 To‘lov ID kodi: xxxxxxxxxxxx
Mikroqarz yillik foizi	UZS 32,00%	
Mikroqarz muddati (oy)	36	
Imtiyozli davr (oy)	0	

№	To‘lov sanasi	Mikroqarz qoldig‘i summasi	Asosiy qarzni qaytarish	Mikroqarz foizi	Bir oylik jami to‘lov
				32%	
1	29.02.2024	30 000 000,0	1 250 000,0	815 342,5	2 065 342,5
2	29.03.2024	28 750 000,0	1 250 000,0	730 958,9	1 980 958,9
3	29.04.2024	27 500 000,0	1 250 000,0	747 397,3	1 997 397,3
...	...	...	...	...	...
...	...	...	...	...	...
23	29.12.2025	2 500 000,0	1 250 000,0	65 753,4	1 315 753,4
24	29.01.2026	1 250 000,0	1 250 000,0	33 972,6	1 283 972,6
	JAMI:		30 000 000,0	10 003 287,7	40 003 287,7

F.I.Sh.: _____
 Manzil: _____
 Pasport yoki ID karta seriya va raqami: _____
 JShShIR: _____

Aksept kodi: _____
 Aksept vaqti: _____
 Telefon raqami: _____

